

الجميزة

بتطرح تين

{ دراما شعرية مسرحية }

أشعار

محمد مهران (و) ناهد سعيد
" شاعر الآهات " " قيثاره البحر "

معالجة درامية وأغاني

ناهد سعيد

طبعة أولى إبريل 2019

بطاقة الكتاب

مسابقة شاعر / أديب النيل والفرات الدورة الرابعة – إبريل 2019 الكتاب الفائز بالمركز الأول فرع التأليف المسرحي		
عنوان المؤلف	الجميزة بتطرح تين	
المؤلف	محمد مهران ناهد سعيد	
التصنيف	دراما شعرية مسرحية	
رقم الإيداع القانوني	7817 - 2019	
رقم الإصدار الداخلي	382 الطبعة الأولى إبريل 2019	
عدد الصفحات	60 صفحة	

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة
ناجى عبد المنعم



رخصة مزاولة مهنة: 58365 – سجل تجاري: 13242 / 2017 – بطاقة ضريبية: 35-01-572
 عضو عامل باتحاد الناشرين المصريين رقم 941 لسنة 2018
 هاتف: 01011256943 – 01116202218 – 01202541192 – فاكس: 020554372901
 البريد الإلكتروني: nagyegy200064@gmail.com
alnilwaalfourat.com – alnilwaalfourat@gmail.com
 المقر الرئيسي: ج.م.ع. محافظة الشرقية – العاشر من رمضان – مجاورة 13 – أمام سنتر الد3 – عقار 304

الاستعلائية النخبوية والوعي الشعبي التلقائي

"الجميزة " وحلم التغيير بين الشك واليقين

بقلم : مختار عيسى

ربما ، وعلى أمداء زمنية متعاقبة، وقع الكثيرون ممن ينتمون للانتماء الجنسي العربية في فخاخ الافتتان الذاتي ، وارتكنوا إلى تصورات لم تسلم من التوهم تدور حول احتكارية يقينية واستثنائية كونهم حسبما يسوقهم التوهم الأجدر بمناقشة القضايا العليا ، ومنادمة المطابع و مشاكسة المنتديات وارتداد المسارح وفق استعلائية مقيتة .

لكن الوعي الشعبي التلقائي ، وفي عديد المناسبات ، تمكن من وضع هذه الاستعلائية على طاولة المصادقة ،

وتمكن من تشريحها فاصلا رأسها عن جسدها الممدد دون
اكتراث لخدوش هنا أو هناك

هذا ما قر بوعبي وأنا أقرأ الدراما المسرحية "
الجميزة " حيث تتناول عددا من القضايا التي يظن أنها وفق
التصور الاستعلائي مما تتسع لها الصالونات النخبوية ، وإذا
بالمؤلفين الشابين يناقشانها من خلال تصور مغرق في
البساطة والعمق

باستخدام الجميزة كرمز للعتوق و الأصالة في مواجهة
انحذارات طالت المشهد المصري ، ولا يكتفيان برمزيتها
التاريخية بل يجاوزان المحمول الدلالي إلى التغيير كحلم
شبابي ؛ حيث يتحول إنتاج الجميزة إلى التين ، مما يثير
السخرية من الحلم والتشكيك في إمكانية التغيير ، إلا أن
السياق الدرامي يأخذ النص نحو تغيير حقيقي تمثل في حلم
انعتاق في ثورة 25 يناير التي عاشتها القوى الشبابية
ومن ساندتها حتى أولئك المشككون في إمكان حدوثها أو
انتصارها ؛ ليظل الحلم هو الحاكم الأكبر للمشهد المصري ،
ويقتنع من كانوا يضحكون من تمثلاته على أرض الواقع ،
والرغبات الكوامن في الصدور لاستكمالها ، وتصويب
مساراته .

الشخص من لحم ودم ، واللغة بسيطة ، رغم التعبير
الشعرية، و استخدام الديكور و المعينات البصرية في
سينوغرافيا قريبة الإمكانية ، و غناء واستعراض متضافر
مع الديالوجات وحركات وأصوات الجموع مما يضيف على
النص حيوية درامية جديدة بكل تشجع

مايمكن أن يؤخذ على النص الحالم جنوح بعض التعبير إلى
المباشرة والتقرير ، وربما فرضه واقع قريب شهدنا بعض
مظاهرة

كل التوفيق لكاتبى العمل ، ويظل الرهان على تنفيذه على
خشبة المسرح ؛ ففي رأيي أن النص يفقد كثيرا من قيمته
الفنية إن لم يترجم إلى عرض حقيقي بكل أدواته التي
بالتأكيد يستطيع المخرج أيا من كان تقديم رؤيته المساوقة
أو الناقدة للفكرة العامة ؛ حيث التكتاف لصيانة حلم الوطن
في مستقبل أفضل

مختار عيسى

شاعر وناقد أدبي

نائب رئيس اتحاد كتاب مصر

مقدمة مسرحية الجميزة

بقلم الأديب والكاتب المسرحي

سمير حماية

مسرحية الجميزة تأليف مشترك بين الشاعر محمد مهران والشاعرة ناهد سعيد ، من خلال معرفتي بالشاعر محمد مهران كشاعر عامية مميز في الإلقاء الحركي للقصيدة الشعرية ، لم أتعجب عندما علمت بكتابته لهذا العمل لأنه عاشق للأداء الحركي بشكل مميز وطبيعي أن يتطور الأمر لكتابة تلك المسرحية ، أيضا الشاعرة ناهد سعيد ، شاعرة موهوبة ولديها حضور طاغي ، حاضرة الإحساس ومتدفقة الحرف وليس بغريب أن يجتمعا معا في كتابة تلك الملحمة الجميزة هي أوبريت إستعراض غنائي وهو ما نطلق عليه المسرحية الغنائية والجميزة مسرحية شعرية غنائية ،

والجميزة مدلول رمزي من الكاتبين يرمز عن الوطن ،
وشجرة الجميزة هي الشجرة العتيقة ، يزرعها المصريون
وهم أول الشعوب زراعة لها لإستخدامها في الظل وتنقية
الهواء من الأتربة وهنا ربط فيه رمزية مقبولة في إستخدام
شجرة الجميز العتيقة وتتماشى مع حضارة عمقة الجذور
عمرها سبعة آلاف سنة ، ورغم أن الأوبريت فن إدخال
السعادة والترفية ، إلا أننا أمام أوبريت آخر يثير الحماسة
والعاطفة في النفوس ، فالشاعر والشاعرة غيان عن
التعريف بإهتمامهما بقضايا الوطن ومشاكله وهمومه
وجرأتها وطموحها في حلم لغد أفضل، إن القضية الحية
في ضمير الكاتبين ، هي من خطت لنا أحداث عمل غنائي
إستعراضي عنوانه الإخلاص للوطن ويظهر ذلك في محتوى
النص من الحلم للجميزة أن تطرح الثمار وبين الرياح
والعواصف التي تذبح هذا الحلم ونرى ذلك في أحداث النص
، نرى الحلم ، الدم ، العرق ، الشهداء، عمل يحاول ويجتهد
في زرع الحب للأجيال، الشخصيات مناسبة للعمل الأشعار
بسيطة الفهم وتحقق المضمون من العمل ، فيه روح تبحث
عن حياة وسط قهر وكبت ، تمنياتي بالتوفيق للجميزة
ولمبدعي العمل دوام الرقي والإزدهار

الشخصيات

- الأم
- الولد صغيراً
- البنت صغيرة
- الولد شاب
- البنت فتاة
- الجارة ام البنت
- المخلوع
- مصر
- 4 شخصيات فيسبوكية
- شباب ثورة يناير
- أهل البلد " رجال . أطفال . بنات "

مقدمة

تدور الملحمة فى إطار حياتى متسلسل يبدأ بالطفولة ثم
المراهقة فى ظل الحياة الريفية الكادحة ، حيث تعيش أرملة
صغيرة وطفلها الذى يتمركز طموحه فى شجرة الجميز
العتيقة التى ترمز للأصالة والمستقبل الذى سيشرق حين
تمطر عليه ثمارها التى تكون فى أوان نضجها بمذاق التين
الشهى .

والجميزة هنا هى رمز نحمله جميعاً فى أعماقنا لكل حلم
نشتهى تحقيقه – لكن – من منا يستطيع التمسك بحلمه مهما

واجه من صعاب ؛ ومهما زلت قدمه فى آليات الإنحدار التى
تكن فى الكثير من الشخصيات والحكومات ، ومواطن السفه
هنا .. حيث المنزل الريفى البسيط .. يرسم الولد على حائطه
شجرة الجميز التى تحمل أحلامه البريئة

الإفتاحية

استعراض / احلم

احلم احلم احلم احلم

ماتفكرش ف خوف أو سور

احلم احلم احلم احلم

من جواك هتشوف النور

امسك قلمك وارسم بكرة

صفحة جديدة ف عمر جديد

إياك تندم على أحلامك

واللا تقول الحلم بعيد

مد ايديك للسما هتطول

الأحلام مش بس تقول
حاول تبني الحلم حقيقة
خطوة بخطوة دقيقة بدقيقة
ربك هيحقق أحلامك
ويخلق اللي ما كانش يكون

(الفصل الأول)

ف1 / المشهد الأول

يجلس الولد أمام الجميزة المرسومة على الحائط وهو
يحادثها ، وكله أمل ورجاء فى غد مشرق من وجهة نظر
برائته التى لم يدركها ما يحيط به من تلوث ..

الإبن : باحلم اكبر وانتى معايا

ياللى جدورك عرض وطول

أبنى بإيدى واعمر فيكى

واكتب ليكى واغنى واقول

يأمّ العود الطارح ضلة

بادعى الله رب العالمين

ان الوقت يعدى بسرعة

علشان آكل منك تين

الأم : قوم يا حزين

حد يحايل ف الجميزة

تطرح تين

حد يرسم قرص الشمس

بحة طين

الإبن : أيوه يا أمى

ف يوم راح تطرح

ورغم الهم شريكنا ف بيتنا

ف يوم راح نفرح

الأم : يانا يا غلبى

يابنى بلاش تتعبلى ف قلبى

الإبن : مالك بس قوليلى يا أمى

الأم : اعقل يابنى الله يهديك

انا يا ضنايا خايفة عليك

ف1 / المشهد الثانى

تدخل جارة الأم " صديقتها المفضلة " هى وابنتها التى فى
عمر تقريبي للولد ، فتحياهما الأم بحفاوة رغم ما يحمل
وجهها من علامات حزن وشقاء واضحة ..
الأم : "تخاطب جارتها " .. اهلا بيكى حبيبتي تعالى
ثم توجه كلامها للبنت قائلة : روحى العبي مع ابني الغالى
الجاره : عاملين ايه وازى احوالك
وشك مخطوف كده ليه مالك؟
الأم : كان لسانى هاروح واناديلك
عايزة افضفضلك واحكيلك
الجاره : خير ان شالله
احكى وقولى
تتنهد الأم ثم تبدأ فضفضتها لصديقتها ..

الأم : جاني الولد الأسمر قاللى

الجميزة بتطرح تين

قمت ضحكت

قلتله : قوللى

ازاى جميزة هتطرح تين

بس كلامه الباقي اخدنى

دور جوه دماغى الفاضية

عشر طواحين

شفت حياتنا ازاى دلوقت

وازاى كانت قبل سنين

كنا بنضحك واللا بنبكي

مش عارفين

كنا نخاف عفاريت اللعبة

مش عارفين طالعانا منين

وكل ما يبجي الواد يتكلم

باصرخ : اسكت

مش ناقصين

وقد ما باقدر باكتم خوفاً

والحزن الى انا عشته سنين

لكن بارجع اضحك تانى

لما الواد يرجع ويقوللى

انا لما اكبر

هابقى اجيبك من جميزتى

شوية تين

ثم تعترى الأم وصديقتها نوبة من الضحك الممزوج بالدموع

الخفية يتبعها صمت خائف.

تخفت الإضاءة شيئاً فشيئاً وتتحول نحو الولد والبنت اللذان

يلعبان سوياً ثم تنطفئ

الإضاءة ويظلم المسرح

ف1 / المشهد الثالث

تعود الإضاءة لنفس المكان حيث البنت والولد ولكن ها هما
فى مرحلة المراهقة الأولى التى تحمل الكثير من براءة
الطفولة وأحلام الشباب .

الإبن : ياللا نسابق بعض ونجرى

البنت : انا عارفة ان انت هتسبقنى

الإبن : طب مانا عارف هههههههه

البنت : ياسلام .. طيب

حاول كده انك تمسكنى

بس الاول

اثبت حبة قريب منى

انا راح اغمى عنيك واداريها

بشالى البمبى

تمسك البنت بشالها ثم تضعه على عينيّ الولد الذي مالبت
يجرى ورائها محاولاً الإمساك بها وهما غارقان في الضحك
ثم فجأة يقف الولد ويفتح ذراعيه على وسعيهما ويبدأ في
الدوران حول نفسه وعلى شفتيه ابتسامة عريضة ؛ مما
جعل البنت تغتاظ منه وتحدثه بغضب طفولي ..

البنت : انت هتلعب وحدك يعنى؟

وبحركة عنيفة تشد الشال عن وجهه فيلتفت اليها باهتمام
وكأنما أفاقته من حلم واسترعاه غضبها

الابن : بس استنى

البنت : ابعد عنى

الإبن : انا هاحكيلك .. وافهمى منى

شفت الدنيا جميلة وحلوة

وانا متغمى

وشفتنى بأكل م الجميزة

التينة الحلوة بعد ما اسمّى

ردت عليه البنت بغضب ممزوج بدلال برئ

البنت : وحدك يعنى ؟

حتى ما شفتش ولا شئ عنى ؟

يقترّب منها الولد وينظر الى وجهها مبتسماً وفى عينيه بريق

حلم جميل

الابن : بيتنا .. وحتى اسامى ولادنا

والعصافير اللى ف شباكنا واقفة تغنى

ترتبك البنت من شدة الخجل فيسقط الشال من يدها ، يلتقط

الشال وينظر إليها وعلى وجهه علامات الحزن حيث تذكر

موقف والدته من أحلامه ويختنق بدمعة مكبوتة فيمد يديه

الى البنت قائلاً :

الإبن : دايمًا خللى ايديكى ف ايدى

تشد البنت يدها فى خجل وتبتسم له وتغمز بعينها وهى تبتعد

قليلاً فتتسع الابتسامة على وجه الولد قائلاً :

الإبن : طيب زيدي

يزداد خجل البنت فتحاول تغيير الحوار
البنت : تيجى احكيك عن حواديتي ؟
يقهقه الولد ثم يجيبها :
الإبن : انتى احكىلى وانا هارسمك
البنت : ترسم ايه ؟
يقف أمامها وعيناه سابحتان فى حلم جميل
الإبن : حُضرة وماية وعصفورتين
وحلم جمعنا احنا الاتنين
هارسم مدنة وغصن سلام
والجميزة بتحضن نيلنا وبرج حمام
تتنهد البنت وتلمع عينيها وكأنما التقطت منه الحلم
البنت : اه يا سلام
امتى راح المس حلمى بإيدى
يوم ما هتطرح الجميزة
ده هيكون عيدى

ثم يجلسان بجوار بعضهما ويبدأ الولد بالرسم وهي تنتظر
بجواره ، وعلى الطرف الآخر من المسرح حيث الإضاءة
الخافتة تتسلط على الأم التي تراقبهما من بعيد بمزيج من
الفرحة والحزن والأمل والخوف عليهما وعلى أحلامهما ، ثم
تتمتم قائلة لنفسها :

الأم : لسه صغار مانتوش فاهمين

عمر ف يوم طرح الجميزة

ما هيكون تين

إظلام وخلفية متحركة تعبر عن الحلم واصطدامه بالواقع
يصاحب ذلك أغنية معبرة ... تصور تلك الأغنية وجع الأم
وما مر بها من مواقف حزينة أطلت بظلامها القاسى على
حياتها حيث الفقر واضطرار الأب الى الفرار كالكثيرين غيره
من الباحثين عن لقمة العيش حيث يلقي البعض حتفه فى
الماء أو على بوابات الحدود

أغنية (الليل ما جاش)

لسه النهار من أوله

حاضن ضفاف صاحبه الغريب وسط الديار

كفكف دموع كل النخيل

الى اتوئد .. مع حلم بار

وأياهم الطمى الى مرمى (المسافرين)

عند بوابة الحدود

عصفور وجع

وعرق فى كفى الاحتضار

الليل ما جاش

لكن فى قلبى عتمته

وف حلقى محشور المرار

ف1 / المشهد الرابع

كبر الولد والبنت وكبرت معهما احلامهما التي اصطدمت
بالواقع وما يحمله من انكسارات وصعوبات رسمت الخوف
والألم الذى ترجمه الولد بالرسم أحياناً وبكتابة الشعر الذى
يمتلك موهبته أحياناً أخرى .

يسلط الضوء على الولد الذى يجلس وبين يديه قلمه وأوراقه
التي تعاني من التمزق مراراً وتكراراً فى ملل وعدم رضا ..
تدخل عليه البنت فتظن أنه يكتب كعادته فتداعبه قائلة :
البنت : ياللا شاعر

اكتب ليا على اوراقك احلى مشاعر

ياما كتبت عشانى قصايد

يقاطعها الولد بعصبية ملقياً ما بيده ..

الإبن : لكن لما باحاول

اكتب حاجة عن الجميزة

قلمى يعاند

يشرد قليلاً ثم يتابع فى تساؤل حزين

الإبن : هوّا انا باحلم

واللا انا فعلا سامع شاهد

ترتبك البنت وهى تحاول جاهدة البحث عن كلمات تخرجه بها

من حالة الحزن التى تراها على وجهه وتسمعها فى نبرات

صوته

البنت : عارف لما بتكتب عنى

بابقى معاك م الفرحة باطير

وان يوم قلمك غازل

غيرى كنت باغير

الا ان كنت بتكتب غنوة عن الجميزة

عن شوارعها وعن حواريتها

هى براحك وانت الطير

اكتب ليها حبيبتي السمرة
مرة احكيلها عن مشاكلها
ومرة احكيلها
عن احلامنا معاها لبكرة –
وابقى اهديها منى سلام
واكتب عنى كمان حرفين
وافتكر ان منايا حقيقى
الجميزة دى تطرح تين

ينظران الى بعضهما قليلاً ثم تنسحب الفتاة من أمامه على
استحياء وهو ثابت مكانه كأنه فى عالم آخر ثم يتحرك فيمسك
بالورقة والقلم من جديد ثم ينظر حوله وكأنه انتقل الى داخل
حلمه الأكبر الذى يشبهه بجميزته القوية الحزينة ، ثم بدأ
الحوار ...

الابن : جاييلك سلام

حبيبتي الى عايشة بتحلم ببكرة

تقولك واقولك
باحبك يا سمرة
يا عزى ووقارى
يا زلى انكسارى
يا قلمى اللى ساكن مداين حروفى
ياقوة عزيمتى
يا ضعفى يا خوفى
باحبك يا سمرة
لكنى فى ارضك حاسسنى غريب
مابين اللى باعوا تراك يا غالية
وعرقى وشقايا لايد الغريب
وانبح ف صوتى
ولا حد يسمع – ولا مستجيب
وتيجى تقوللى :
الجميزة/ صنعت الحضارة

وللدنيا اجمع كنت المنارة

ارانى اهان على يد ابني

فيدهس وقارى

ويرمى بوجهي

وبال انكساره

بروجيكتور خلفي يعرض سلبيات الشارع المصرى

ف1 / المشهد الخامس

اضاءة على الولد الجالس ممسكاً بيده الورقة والقلم والذي

بدأ يستفيق محدثاً نفسه

الابن: لازم اكتب

انا مش هافضل قاعد سارح

هامسك قلمي

والم كلام الحزن الجارح

اللى انا شفته جوه عيونها

ويملا ديوان

وينزف قلمي

لما الآهة غصب عنها

بقت بركان

يصمت قليلاً ثم يبتسم ابتسامة باهتة وكأنه تذكر كلام حبيبته

..

الابن: هاكتب عن شوارعها وعن حوارها

احلى قصيدة

وا مسح بايدى دمع عيونها

لو ان دموعها شايفها عنيدة

لازم عنها أشيل احزانها

التغيير مش حاجة بعيدة

انا هاغير وأغيرها

بيا هتبقى ف صورة جديدة

وتتسع الإبتسامة على وجهه الذى أصبح مشعاً بالأمل

وعلى الطرف الآخر تسلط الإضاءة على الأم التى تراقب

ابنها فى صمت وتظهر عليها علامات الشيب وهى تنظر نحو

ابنها ثم تتهد وتقول :

الام: ليا الحق انى اصرخ واحزن

حتى الولد الحيلة يا مرى
خلاص اتجنن
ثم تخطو نحوه فى هدوء وتجلس أمامه قائلة بتهيدة عميقة
وهى تشير الى الورق بيديه ...
الأم: لساك قاعد تكتب شعر
ياضنايا فوق
الغربان واقفة بتنق فوق جميزتك
ويا القوق
قتلت فيها الحلم الأخضر
وقت ما زهر
من ضوافرهم كان الجرح
ويبس الطرح
والتين اللى بتحلم بيه
كان يوم حلمى
لكن أمى صرخت فىا

فوقى يا بنتى مش ناقصين
عُمر ف يوم طرح الجميزة
ما هيكون تين .

يقترّب منها الولد وكأنه يرجوها أن تغيّر آرائها ومعتقداتها
بل وتشارك ما يؤمن به وتشد من عزم آماله وطموحاته ..
يقترّب منها ويمسك بيديها وهو راعع أمامها على ركبتيه ..
الإبن: عارفة يا أمى

لجل ما يصبح حلمى حقيقة
ولجل ما نفرح
ولجل حدادى الشوم
ما تفارق يوم جميزتى
ولجل ما تطرح
لازم نصرخ
سجن صدورنا يدّى اشارة
للاه تشرخ صمت الخوف

بركان يغلى ناوى يززل
بس ميعاد الصرخة يا امى
مش معروف
بس امانة
لوجت يومها عينى فى عينك
اوعى يا امى تهدي عزيمتى
واوعى يا غالية يومها تضى
وتصرخى فيا : خايفة عليك
(تضمه الام فى صمت وخوف وتبكى ...)

(يسدل الستار)

(الفصل الثانى)

ف2 / المشهد الأول

المسرح مظلم ما عدا إضاءة فردية على أشخاص يمثلون شباب الفيسبوك الذى هو أداة الاتصال بين مختلف الطوائف والفئات منهم من يجلس أمام شاشة الكمبيوتر ومنهم من يحمل اللابتوب وآخر فى يده موبايل وجميعهم فى حالة تواصل مع بعضهم البعض عبر هذه التقنيات حيث تدور بينهم المناقشات والحوارات ...

ش1 : انت يا كابتن

انتى يا حلوة

انت يا دك

تيجوا ندردش ع الفيسبوك

ياللا نحاور بعض شوية

يمكن عنا الهم يفك

قوللى يا صاحب - انت منين ؟

ش2: انا من ارض واخدها الطاغى وابنه بلاش

ش1 : وانت يا صاحبي؟

ش3 : يبقى اخويا اللى قتلوه

والذنب جريمة ماعملهاش

ش4 : اما انا بقى ياخوانا فعاطل

جنب شهادة ف عرف الواسطة مبتسواش

ش1-2-3-4 : طب والحل ؟

نصرخ فيهم

تلاعب بالإضاءة المتضاربة يتواكب مع انتفاضة شباب

الفيسبوك وغيرهم الذين يخرجون من الكواليس حيث يمثلون

شباب ثورة 25 يناير

شباب 25 يناير: ياللى بنيتوا بجوعنا قصوركو

منكو خلاص ماحناش خايفين
شيلوا ايديكم عن انفسنا
وعن احلامنا مش طايقين
كلنا خالد .. دمنا واحد
غصبِ عنكم بنى آدمين
ارحل عنا يافرعون عصرك
لينا ولادك مش وارثين
احنا شباب الفيسبوك جينا
نفديها بروحنا وبعنيها
غصبِ عنكم هنحررها
ونحصد م الجميزة التين

ف2 / المشهد الثانى

اضاءة على الرئيس الثائر عليه شعبه وهو يجلس فى قصر
الرئاسة بكل تجبر وعجرفة ومن حوله حاشيته ومريديه حيث
يتحدث اليهم فى سخط واستهزاء عما يحدث فى أرجاء البلاد

..

الرئيس : حبة عيال ورا شاشة خايبة

ف دردشة متجمعين

عايزين يحطوا راس براس

طب والميراث

هيروح لمين

30 سنة أمر أطاع

أنده وكله ينحنى

ويقول آمين

عاملينلى فيها ثورية

ما يعرفوش انا ابقى مين
انا بابا يا ولاد اللذينا
يا حاشية .. جهزتى الكمين ؟

وفى تلك الأثناء تتحرك حاشيته وتبدأ فى حشد قوتها
وسلاحها ضد الثائرين من أجل العدل والكرامة والحرية

ف2 / المشهد الثالث

مع حلول الثامن والعشرون من شهر يناير أصبح الشعب أشد
ثورة وأعلى سقفاً للمطالب التى تقضى بإهاء فترة الحكم
الجبرى وإطلاق يد الشعب فى تقرير مصيره واختيار من
يصلح

شباب 28 يناير: يقولوا عنا همجيين وسطحيين
والنبته الطارحة على اكتافنا
مجرد طين

نتمرغ فيه ويا جحدونا
نرقص على جرح بقاله سنين
عايزيننا نطاطى ماهنطاطى
ولا نرجع يوم ف الخوف مساجين
وهنتبت ليكم إن احنا
ماحناش مجانيين

آدى صوتنا وزلزل ف قصورك

وقصاد ناركم

ماحناش راجعين

وان حتى رويانا الجميزة

من دم العين

ارواحنا هتحضن اغصانها

وهتقطف لنا ولولادنا

من طرحها تين

إظلام يعقبه إضاءة فلاش على المسرح يعكس حالة من
الهرج تعبر عن أحداث ثورة 28 يناير مع بعض الإسقاطات
الضوئية على الطرفين (الثوار وحاشية الفرعون) تصاحب
تلك الأحداث اغنية فوق يا جدع ..

أغنية (فوق يا جدع)

فوق يا جدع
صوتك خلاص هيتسمع
مابقيتش فيه عفاريت بتطلع بالنهار
وزارعة حواليك الفرع
قوم يا جدع
وخللى بالك من كثير
باصين لأرضك بالطمع
عايزين جدورك تنقلع
شيلوا الطرح يا غلبانين
خللى الجبان اللى ف قلوبكم ينخلع
ما خلاص بقى
فاق الجدع

ف2 / المشهد الرابع

المسرح مظلم ماعدا لإضاءة باهتة على جسد الولد الملقى
على الأرض بلا حراك ، وأخرى على البنت التى تركض فى
حالة هلع هيسثيرى وإعياء شديد وهى تبحث عن رفيقها
الذى ما تلبث أن تراه فتخرّ الى جواره مذهولة تحاول هزه
علّه يستفيق من موته الجلى أمام أعينها ظن ثم تحاول
محادثته بيأس علّه يصغى الى صوتها الهلوع ...

البنت : عارف لما فتحت عنيا
خفت وقلبى سألنى عليك
كنت معايا هنا من ثانية
وكانت ايدى حاضنة ايديك
صوتى وصوتك لسه ف ودنى
صرخة قوية تعيشى يا بلدى

ورصاص غادر
من حواليا ومن حواليك
عشت ومت شهيد ف هواها
ايدك سابت ايدى لمين
مش قلتلى ان الجميزة
لازم بكرة هتطرح تين ؟
ثم تنهار الى جواره تصرخ بألم

ف2 / المشهد الخامس

روح الولد تلف حول البنت التى تجثو على ركبتها بجوار
جثته المسجاة على الأرض .. تنظر اليها روح الولد ثم تتردد
لتنظر الى جثته هو وكأنه يرفض ما حل به ، ثم تخاطب
الروح البنت قائلة :

روح الولد : لسانى عايش

روحي قولها حبيتى لأمى

والجميزة اللى بتحضن كل احلامنا

رويتها بدمي

ضمي ايديكى اوى على ايدى

ليه مش

حاسة بنبض وريدى

لسانى عايش مش راح اموت

مین بیقول
الصوت الرافض ای مذلة
هیبقی سکوت
بکرة تشوفی حبیبة عمری
قلمی وحلمی
مش هیکنونوا ف ای تابوت
لسانی عایش
لسانی عایش مش
راح اموت

أغنية (إفراد جناحك)

افرد جناحك فى السما

ورفرف يا طير

اعلا لفوق

لفوق أوى

وطول السحاب

انده لغيمة من المطر

كانت بعيد

دموعها تحضن دى

فى قلب التراب

خلينى أرجع للحياة

نبته خضار

خلينى غنوة وبسمة

فوق وش الصغار

وابقى الحكاوى
ع القهاوى
وفى الشوارع والبيوت
أبقى فى صرخة
تقول كفاية
تعبت والله من السكوت
إفرد جناحك فى السما
ورفرف يا طير

ف2 / المشهد السادس

يصل خبر موته الى الأم التي حملت بين ضلوعها أحلامه
وآماله وأوجاعه ، فراحت تدور فى أنحاء البلد تنادى بأعلى
صوتها اللاهث من ركضها يميناً وشمالاً ...

الأم : يا اهل البلد

روحوا هاتولى الولد

او هاتوا حلمه

ده اللى روى ارضه دماه

مش هم امه

الحلم كان يوم طرحها

وده كل همه

يطير علمها للسما

ولا شئ يهमे

ياهل البلد

ياهل البلد

يخرج على صدى صوتها أهل البلد من كل حدب وصوب
بمختلف أعمارهم وطوائفهم ، فتنظر اليهم وتدور من حولهم
قائلة :

الأم : روحوا وغنوا للشهيد

لحظة مماته

هاتوله عمه والجيران

وكمآن خواته

يرجعوله صرخته

وصوته الحزين

من طرح جميزته

النهاردة وبكرة تين

تنطلق أصوات المجموعات فى حماسة :

المجموعة الأولى : لازم بكرة الطرح يعود

المجموعة الثانية : نلمح شكل التين ع العود
المجموعة الثالثة : والعصافير هتسابق النسمة
المجموعة الرابعة :فوق اغصانها هترسم بسمة
تدور الأم تشد على أيديهم وتقول :
الأم : الأحلام ممكن تتحقق
طول مانتوا ايديكم ضامين
تبنا وتبقوا تمللى معاها
مصر دى انتوا يا مصريين
انت وهو وهى وهو
كل طوائف شعب ودين
حافظوا عليها وصونوا شرفها
بيكوا وليكوا هتطرح تين

يصطف الجميع على المسرح

الإستعراض الختامي

اغنية (فتح عينيك)

فتح عينيك

ارسم طموحك ع البيبان المقفولين

ماتقولش ليه وازاي ومين

الحلم يمكن كان بعيد

لكن اكيد

الليل ببيجي بعد منه نهار جديد

ردد وقول

يا دنيا عزمي انا مش إزاز

بارادتي اقوى من الفولاذ

هاكبر اكيد

هانجج اكيد
انا مش ضعيف
ولا عمرى كنت ف يوم وحيد
هاتوا ايديكوا ف ايدى ياللا نضمها
ونقول لها
راح نبنى فيكى من جديد
احرار ولا هنكون عبيد
هنرد لك بعض الجميل
ولكل امجادك نعيد
علم ولادك يعنى ايه معنى وطن
وازاى لا عمره ينحنى رغم المحن
مهما يحاولوا يفرقوه
ويزرعوا فيه الفتن
يفضل كنانة الإله
محفوظ على مر الزمن

**** الختام ****

سيرة ذاتية

(1) الشاعرة ناهد سعيد



* الإسم : ناهد سعيد
ابراهيم

* اللقب الأدبي : قيثاره
البحر

* من مواليد الاسكندرية

* مؤسس ورئيس جمعية
قطرات أدبية بالاسكندرية.

* لها العديد من المشاركات
في الساحة الأدبية حيث

أقامت العديد من الأمسيات

الثقافية التي قدمت من خلالها العديد من
المواهب الشابة بالإضافة الى انتاجها الشعري .

* لها العديد من اللقاءات التلفزيونية والإذاعية والتي قدمت من خلالها ايضًا العديد من المواهب على الصعيد الثقافي والفني .

* أقامت معرض للكتاب تحت إسم " العجمي تقرأ " عام 2015 والذي لاقى نجاحًا وإقبالًا مميزًا بالإضافة الى حفلات توقيع ولقاءات مع عدد كبير من كبار الأدباء .

* إصداراتها :

- ديوان " قلم موجوع "
- ديوان " عناقيد من ذاكرة القلب "
- ديوان " وللقيثارة أغنيات أخرى "

* تحت الطبع :

- ديوان " ادهم والسمرة " سجلات مع الشاعر الكبير محمد مهران

*

(2) الشاعر محمد مهران



الشاعر محمد
مهران عضو
إتحاد الكتاب أو
كما لقبه
أصدقائه من
الشعراء والكتاب
بـ شاعر

الآهالات هو محمد حسن حسين مهران شاعر مصري من مواليد محافظة البحيرة عام 1977 عاش محمد مهران بمحافظه البحيرة حتي سن الرابعة من عمره ثم أنتقل مع أسرته الصعيدية إلي محافظة سوهاج حيث الجذور والإمتداد والعائلة وهناك عاش طفولته كلها وتشكلت شخصية الشاعر هناك بالعوادات والتقاليد

الصعيدية الأصيلة وأكمل بمحافظة سوهاج
مرحلة التعليم الابتدائي ثم الصف الأول الإعدادي
وبعدها قرر الأب الرجوع عام 1989 إلي محافظة
البحيرة مرة أخرى وفي عام 1987 كانت بداية
الحكاية حكاية عشق الشعر وبدأت الحكاية عندما
وقع بين يدي الطفل الصغير وقتها نسخة من
أحدي دواوين الشاعر الأستاذ فاروق جويده
وكان الديوان من بين مجموعة كتب يداوم علي
قرائتها شقيق محمد مهران الأكبر كان وقتها
الشاعر محمد مهران في سن العاشرة وأغلب
الكلمات لا يعرف معناها لكن كانت سعادته
الحقيقية في قراءة الشعر بعدها بدأ الشاعر
يمسك قلمه ويبدأ في كتابة بعض القصائد التي
تواكب عمره الصغير وتمر السنوات ويكبر محمد
مهران ويكبر عشقه للشعر وفي سن الخامسة
عشر يُنشر للشاعر محمد مهران قصائد عديدة
في صحف ومجلات مختلفة ويشتهر الشاعر
محمد مهران بقصائده الوطنية الثائرة وللشاعر
محمد مهران المئات من القصائد والتي تُطلب
منه سماعها في كل الأمسيات والمهرجانات

الأدبية مثل قمح يوسف وعتريس وفؤاده و فوق
حبال المشنقة و في محراب صنم و حصة إملاء
وغيرها الكثير وللشاعر ثلاث دواوين بخلاف هذا
الديوان ديوان أبو حلموس وديوان شعر لا يغني
من جوع وديوان رسالة إلي الهجان وديوان
بغنوان أدهم والسمرة بمشاركة الشاعرة
السكندرية القديرة ناهد سعيد ويضم هذا الديوان
العديد من القصائد والملاحم الشعرية علي شكل
سجلات مثل حضن الغريب وفرعون مش نبي
والمواجهة وملحمة الجميز وملحمة أدهم
والسمرة وللشاعر محمد مهران العديد من
الأعمال التي تغني بها مثل أغنية نفس الوشوش
وأغنية عاشقين هلاك وأغنية قلبي لما يوجعني
وأغنية هل الهلال وأغنية مش هسامح للمطربين
الشباب أحمد نبيل وكريم الشافعي والمطربة
بسمة وله عملين مسرحيين الأول المسرحية
الذي بين أيدينا بالمشاركة مع . الشعرية الجميزة
الشاعرة ناهد سعيد ومسرحية أحنا في ديك
الساعة حصل الشاعر محمد مهران علي العديد
من الجوائز في العديد من المهرجانات الأدبية

مثل حصوله علي المركز الأول في مسابقة الألقاء بمكتبة الإسكندرية في مهرجان تأبين الصحفي الشهيد تامر عبد الرؤوف والمركز الأول بمهرجان ساقية الأسكندرية الأدبي والوسام الذهبي بمهرجان همس الكلمات والمركز الثاني بمهرجان شلال الحرف والعديد من الجوائز من مهرجانات أبن الشاطئ الأدبية وغيرها من المراكز الأولى في العديد من الملتقيات والمنافسات الأدبية والشاعر محمد مهران عضو بالعديد من الجمعيات والحركات الأدبية والثقافية مثل جمعية قطرات أدبية ومجلس الكتاب والشعراء العرب وغيرها الكثير.

